






太上  
重訂

玉皇尊經









太上重訂玉皇經序

大道無為天之體也今世流傳玉皇經三

之篇降臨傳文雖於編註又三三册中綴陳所輯

經題天師理耳帝之有無則元之所訓而道在於天



聖曰無事又謂之無事者以天為無事知矣乃道

在天亦在人人人不知道者以為天亦何天何

道是莊子所謂即也然思曰道者天師之謂天

道以失之四聲之化則以道為天亦何天何

道者之謂乎天師所謂道者以道為天亦何天何



中國社會科學院  
宗教研究所  
藏書




太上重訂玉皇經序

大道無爲天之體也。今世流傳玉皇經三卷，以天爲有形之帝，降誕傳文，類於矯誣。又二三冊中，縷陳功報，蕪複乖義。噫！天卽理耳，帝之有無固非凡世所測，而道在於天，則弗可弗明。又邇聞言道者，益支離，幾以天爲無知矣。夫道在天，亦在人人，不知天由不知道，道妙矣，粹矣，元矣，顯求卽是泥顯，卽非深思自得，得又何深？吾憫世之談天談道者，每失之因降，正此經以爲道，則真道以爲天，亦真天有體誠之者乎？天應俯語耳。李耳書。



中国社会科学院世界宗教研究所藏





重刊玉皇經序

天地未分渾渾漠漠者何名乎以其理氣之至粹而曰太極太極莫測其極也而由是而天地由是而人物生生化化者無窮天亦何心陰陽之消長使然其渾渾漠漠者如故也人爲萬物之靈得天氣以爲性得地氣以爲質氣質具而七情紛渾渾漠漠者乃牯亡於後起聖人亦人耳而事天立命參贊化育天地必賴焉天曷嘗有言乎詩曰帝謂文王孔曰知我其天乃不啻蒼蒼之耳提而面命者然則明明赫赫不得第以爲積氣而已玉皇經之由來不可考其言天帝實有其人文字始於




雲篆或疑誕妄然考其文義不過發明天人一氣之理而天卽道道卽天凡人莫不本天卽莫不有道意者皇古之初開天明道者衍爲此書名山石室玉檢金泥若斯原不乏也觀其訓人斷障則德造於無思無爲五老傳書亦事同於雨粟鬼哭六合固有幽奇琅環或非虛設方今

**聖**天子則天出治蕩蕩巍巍生其間者誠遵王之路篤踐倫常固不宜復求諸荒遠第俊傑難逢愚民易惑若非顯揭由來未免自輕身命則此書亦有裨於下學也若不修實德而妄臆穹高其違禮撓禍滋甚讀者宜深戒之

道光癸卯陽月穀旦

雙流劉沅書






凡例

一 凡持誦是經當遵教戒修身寡過實踐倫常果然言行動靜問心無愧自然有所祈禱可以感應倘徒誦經不能遵戒則反招殃咎勿怪祈求之弗應也

一 誦經必先盥漱焚香身心清淨嚴肅衣冠長跪莊誦正氣調聲如對帝天始終勿懈若身在心否穢雜喧譁反招罪戾戒之戒之

一 此經所在恆有鬼神護持得是經者當於潔淨之所平正安放慎勿揉亂污褻拋殘墮尾致干天罰





太上刪正玉皇尊經善本

聖祖仁皇帝廟諱

敬以元字有圈別之

金華子註釋

開經



寶笈琅函演妙文。

炳靈慧日耀乾坤。

紅雲旋繞通明殿。

黃道宏開闔闔門。

元始凝神憑玉座。

諸天應會集瓊軒。

香烟薰透乾坤界。

萬聖千真捧至尊。

玉皇統御大天尊

總讚全經之義其詞易曉。

淨壇神咒

瑤池五龍水。泓澄丹井中。一滴遍十方。



無邊皆蠲潔。熱惡諸煩惱。霑洒悉清涼。

塵勞咸滌除。真境常虛寂。

瑤池。白玉爲池。五龍。五方神龍。丹井。天地之中。天乙水。泉。道體所根。有真道者。斯有真神。水。熱惡煩惱。生於不足。霑洒清涼。道光泰也。虛寂之境。肖乎天真矣。右咒誦畢。以楊柳枝遍洒方隅。誦後金光咒。

### 金光神咒

天地元宗。萬炁本根。廣修萬劫。證吾神通。三界內外。惟道獨尊。體有金光。覆映吾身。視之不見。聽之不聞。包羅天地。養育羣生。受持萬遍。身有光明。三界侍衛。五帝司迎。萬神朝禮。役使雷霆。鬼妖喪胆。精怪忘形。內有霹靂雷神。隱名洞慧交徹。五炁騰騰。金光速現。覆護真人。急急如律令。

天地卽元妙之主。爲萬炁本根。人能體天地以修身。是爲廣修萬劫。有身以來。萬有不齊之閱歷。身與道一。自有神通。金光卽道光。受持恭敬奉持。萬遍言其从雷神。道化之精炁。洞慧表裏光明也。真人得道之人。

### 雷霆咒

元始天尊。修煉雷霆。日月合璧。璇璣停輪。金光一洒。震動乾坤。五明交泰。萬象光榮。天星地軸。守炁寧神。玉皇大帝。照臨我身。飛空吸電。保固生成。真空妙有。理聚中庭。大化感召。九陽至尊。乾元一氣。元亨利貞。急急如

### 昊天玉祖律令

雷霆。道氣之磅礴。易見者。修之於身。鍊爲雷霆。元始一道也。日月。坎離之精。璇璣。造化之紐。合璧停輪。無爲之象。五明。五炁光明。星軸。幹樞。天地者。真空不空。妙有不有。道體如是。中庭。皇宮也。九。陽數之純。卽天體也。言以



凡身合道。其妙如是。

讚

琅函寶笈。玉局元篇。龍章鳳篆。密祕言。皇人几案傳。諸真

下凡。萬聖遍莊嚴。稱念

開函演奧大天尊。三聲

玉局老子所居。龍章鳳篆。喻其精。皇人。皇宮至人。遍皆也。開函演奧大天尊。即太上是。

淨心神咒

太上台星。應變無停。驅邪縛魅。保命護身。智慧明淨。心神安寧。三魂永久。魄無喪傾。急急如律令。

人心上應三台。惟體道則寧淨。合真魂魄長保。故學莫要於治心。

淨口神咒

丹朱口神。吐穢除氛。舌神正倫。通命養神。羅千齒神。却邪衛真。喉神虎賁。氣神引津。心神丹元。令我通真。思神煉液。道炁長存。急急如律令。

口舌齒喉。皆心之橐籥。心之所思。口即宣之。氣耗神亡。故君子戒口。乃能養心。

淨身神咒

靈寶天尊。安慰身形。弟子魂魄。五臟元靈。青龍白虎。隊仗森勻。朱雀元武。侍衛金明。急急如律令。

道至尊至粹。寶之靈者無逾焉。靈寶天尊。實道尊也。人身魂魄五臟。皆有元靈。青龍白虎。朱雀先武。身中四象。金明。本道為光明也。惟德可以動乎天尊。乃得安慰之實耳。



安土地神咒

元始安鎮。普告萬靈。獄瀆真官。土地祇靈。左社右稷。不得  
妄驚。回向正道。內外澄清。各安方位。備守家庭。太上有命。  
搜捕邪精。護法神王。保衛誦經。皈依大道。元亨利貞。急急  
如律令。

人履土而居。地祇司部。於人爲最親。邇經以  
格天。欲天真之降。當先安土神。故有此咒。

淨天地解穢咒

天地自然。穢氣分散。洞中元虛。晃朗太元。八方威神。使我  
自然。靈寶符命。普告九天。乾羅答那。洞罡太元。斬妖縛邪。  
殺鬼萬千。中山神咒。元始玉文。持誦一遍。却鬼延年。按行

五嶽八海。知聞魔王。束首侍衛。我軒凶穢。消散道炁。長存  
急急如律令。

天地指人身之乾坤而言。自然與道爲一。不假勉強如  
是。則穢氣散。神志一。密邇卽天庭。魔神鬼部。無不肅清。  
可以誦玉  
皇經矣。

衛靈咒

五星列照。煥明五方。水星却災。木德致昌。熒惑消禍。太白  
辟兵。鎮星四據。家國利亨。名刊玉簡。錄字帝房。乘飈散景。  
飛騰太空。出入冥無。遊宴十方。五雲浮蓋。招神攝風。役使  
萬靈。上衛仙翁。

德未能與道相配。則誦此真經。其靈不守。此咒可以安  
之。五星衛其身。由平生孝善種德。故名字刊錄天庭。而



真神出入變化。異乎常人。

香讚

元元炁化。五玉香停。縹緲氤氲達九闔。垢障悉無存。太極重生。玉闕降雷神。赫赫英英。光照大神京。

元元即無極太極之意。五玉五氣潔淨精微如玉。九闔天庭。垢欲障蔽太極人身之性寶。玉經尊重。誦者有雷神鑒之也。

至心敬禮

無上元元老子。天令速降。攝靈舉炁。令弟子某心神開化。

一切官骸垢障消滅。元神上奔。天光下臨。誦念玉經。誠明合一。不勝干冒悚惶之至。

凡人氣濁神昏。誦經易招罪咎。叩老子默開心神。恐誠之不達也。

開經咒

雲篆太虛。浩劫之初。乍遐乍邇。或沈或浮。五方徘徊。一丈之餘。天真皇人。按筆乃書。以演洞章。次書靈符。元始下降。真文誕敷。昭昭其有。冥冥其無。沈滯能自痊。塵勞溺可浮。幽冥均有賴。由是昇仙都。

溯文字之所由來。而言元始真文。神異莫測。濟化幽冥如此。

長跪禮奉

仰啟三清境。無上三境中。仰啟大羅天。無上元穹主。仰啟三清界。侍宸諸真眾。



妙道難思議。造化虛元門。妙經扶至理。

太上發慈雲。有形皆點化。無義不精瑩。

某今淨三毒。口誦切身心。惟願大慈悲。

開度至靈神。有生諸惡業。玉寶蕩羣氛。

以此至誠念。仰懇大天尊。

造化之理。惟虛無故靈。惟元故莫測。賴此經以爲入德之門。乃太上之慈也。三毒。身心口之惡。毒害性命誦經以除。隱而進道。非徒教人邀福利也。

至心皈命禮

玉清聖境。清微天宮。鬱羅蕭臺之中。森羅淨靈之上。現有爲之梵相。具無極之神通。敷演真元。破無有色空之礙。拯

提趣類。絕智愚高下之分。妙用難窺。靈機罔測。大悲大願。

大聖大慈。無量度人。元始天尊。

至心皈命禮

上清真境。禹餘天宮。紫微瓊臺之中。元都玉闕之上。接元始虛皇之統系。超西那玉國之根苗。入黍米珠。盡挹真元精粹。在香林苑。屢談祕要。筌蹄妙德。難思神通。莫擬大悲大願。大聖大慈。無量度人。靈寶天尊。

至心皈命禮

太清仙境。大赤天宮。巍巍金闕之高。渺渺重霄之上。降生於無量數劫。說法於萬二千天。五千祕言。融三才之妙道。



八十餘度。接六趣之眾生。聖德崇高。元功廣博。大悲大願。大聖大慈。無量度人。降生天尊。

總誥

惟三聖人。元始祖炁。分化分形。有聲有色。光明玉局之中。四萬八千之上。莫測行爲。甯窺道妙。生生滅滅。任運宇之輪樞。渺渺明明。實元穹之化本。天道無爲有象。神功妙德。元師至悲至願。一炁慈尊。三寶上帝。

玉清上清太清。是爲三清。蓋道生一。一生二。二生三。三清一道光也。以三人爲一人。也可以爲三人。亦無不可。讀者玩其詞。當知重其理也。

至心皈命禮

紫金金闕。白玉玉京。住妙有之境中。處元真之天上。功成道備。故妙相卓冠於諸天。心廣體胖。故慈光遍燭於三界。位尊而上極。無上道妙而元之又元。真聖宗師。天人依仗。大悲大願。大聖大慈。穹蒼聖主。玉皇大天尊。

天體不可名言。此誥傳世已久。姑仍之而已。

長跪懺悔

某等自從無始劫。

無明煩惱覆真心。

常行殺盜與邪淫。

兩舌妄言並綺語。

誹謗大乘真正教。

鬪亂親朋離間人。

貪嗔癡暗縱三心。

喜怒愛惡增七慢。



歷劫罪根難記憶。

多生業垢莫能量。

皈依上聖大慈悲。

發露真心伸懺悔。

千劫萬生諸罪垢。

願從懺悔悉消除。

將此身心奉至尊。

惟願罪根悉原宥。

無始劫初為人身時也。無明不明義理神以形滯理以情昏有如是罪垢。誓心除之。乃可誦經入道。

至心發願

願眼常觀玉毫光。

願耳常聞道義言。

願鼻常嗅清淨香。

願舌常甘至道味。

願身勿履諸惡行。

願意常嚴愼獨因。

發願上報四重恩。

發願下濟三塗苦。

廣運慈悲憐一切。

廣行方便度眾生。

仰惟天帝大慈悲。

默護願心悉成就。

玉毫光道妙光明煥發如玉。眼耳鼻舌身意純乎道真而又有濟度無窮之志。此玉帝之所許也。奈何誦經者或乃為一身私己計耶。四重天地君親三塗地獄餓鬼畜生。

至心皈命禮

太上彌羅無上天。妙有元真境。渺渺紫金闕。太微玉清宮。

無極無上聖。廓落發光明。寂寂浩無宗。元範總十方。湛寂

真常道。恢漠大神通。

玉皇大天尊。元穹高上帝。

此玉皇真誥字字精實。道得於身而深知其妙者。自明。茲亦未敢遽為之說。



爾時

元始天尊。在清微天中。玉京金闕。七寶元苑。玉皇宮殿。陞光明座。與無央數眾。宣說靈寶清淨真一無上元文。是時玉皇尊帝。與諸天真飛天太聖。無極神王。靈童玉女。九千萬人。擁霞馭節。侍衛景從。於是

玉帝知時欲至。即於會前。舉六通力。放大光明。遍照諸天。無極梵刹。一切境界。皆大震動。十方無極一切世界。俱同瑠璃玻瓈。無有隔礙。十方聖眾。並乘五色瓊輪。琅輿碧輦。九色元龍。十絕羽蓋。麟舞鳳唱。嘯歌噫噫。靈妃散花。金童揚烟。讚詠洞章。浮空而至。

無央猶無窮。靈寶至靈之寶。天之性也。清淨無毫髮之雜。真一。無偽無貳。六通。誠通。妙通。靈通。慧通。化通。九通。力。法力。皆道中自然之發現。蓋遠古以前。無天之名。亦無地之質。自混沌鑿陰陽彰。戴高者或不知其高。乃有玉皇天帝之名。而元始者。又玉皇之師也。時會之至。甲子初開之年。道光變幻。自無而有。聖境聖眾景象如此。是時

梵天一切金仙。四眾八部。承斯光照。皆乘金碧。飛雲玉輿。九霞流景。慶霄四會。三辰吐芳。飛香八湊。旋繞道前。雨眾妙花如雲而下。

梵天。中央之天。金仙。以先天金性為體。四眾。海會眾神。八部。八方部司。慶霄。慶雲在霄。四會。八湊。面面圓通之意。道謂元始眾妙花眾聖各有其道。則各有其花也。言聖眾乘時變現。道體如是。

是時



帝光徧照諸天下。燭十方無極世界。同元都境。凡彼人間。上近九天。連接交連。至親至邇。凡彼下方。無極世界。山陵坡坂。溝澗溪谷。曠平如掌。六合至邇。三境非遼。天寶臺殿。星羅人間。瓊瑰羅列。朗耀雲衢。七寶欄楯。以界道路。玉樹仙花。蓓燦珠寶。景秀丹田。芝草繚覆。

此節言帝光由上照下。瑞彩變化如此。

時彼下方。皆見諸天。鈞天妙樂。隨光旋轉。自然振響。又復皆見鸞嘯鳳唱。飛鳴應節。龍戲麟盤。翔舞天端。諸天寶花。零亂散落。徧滿道路。是時凡聖駭異。幽闇開光。天人悅慶。踊躍懽忻。凡夫學士。盡得飛昇。仰觀劫仞寶臺。俯眄紫雲。

彌羅。是諸世界。一切人民。咸臻道炁。白首面皺。皆得化度。紺髮朱顏。少壯幼稚。轉增形容。光澤美好。苦惱痊平。普蒙解脫。安樂快然。天下歌謠。欣國太平。

此節下界人物自下上視。所見瑞慶如此。

當爾之時。神風遐著。萬炁揚津。天震地裂。枯骨更生。沉尸飛魄。皆得復形。酆都鐵圍。長夜九幽。卽時破壞。地獄苦魂。化生諸天。三惡道苦。一時解脫。時諸罪眾。以斯光力。得生十方諸大天宮。

此節總承上兩節而言之。帝光徧照。天地震動。枯朽幽苦。皆脫罪垢。而生天宮。蓋道之能生成萬物如此。

爾時



玉帝卽分其身徧於十方諸大天宮。令諸天宮自然化現。白玉爲京。黃金爲闕。七寶元苑。大光明殿。具光明座。幢節幡蓋。異寶奇花。徧布是處。爾時

玉帝卽以所分之身徧於是處。白玉京中。黃金闕內。七寶元苑。大光明殿。光明座上。普爲十方演說清淨解脫之道。時化

玉帝各以無量天真大聖。妙行真人。靈妃玉女。侍列左右。是諸玉女。顏容姝妙。端麗奇特。天珍異寶。莊嚴身相。言清韻朗。眾界普聞。是諸玉女。其身復出微妙解脫自然之香。是香芬馥。周徧諸天。極妙樂土。及諸大地。一切福處。六道

一切眾生聞是香者。普蒙開度。是香到處。神靈欣暢。妙果莊嚴。一切人天。太和咸洽。遍滿氤氲。無有遠邇。世界一切國土。罪苦之儔。咸仰道光。薰芳釋垢。感奮維新。

承上言罪眾得生天宮。而帝復分其身。令其所居皆化現爲妙境。且各就其地而說法。於是諸天宮皆有玉帝。皆有眞聖玉女等。衛列。微特帝身。卽玉女色相。亦殊尋常。且有妙香。熏蒸人天。而生天罪眾。不特無孽苦之形。亦無纖微之垢矣。

爾時

諸天諸地。承斯光力。妙寶攝受之故。各各明了罪福因緣。與諸眷屬。作天樂妙伎。來詣

帝前。是諸眾等。各各含悲。俱切誠依。發言仰叩。臣等前後



經千世萬世。不見三光。常處黑暗。三惡道中。多受苦惱。伏蒙

上帝光明。憫救我等。得生天上。是諸宿孽。一概無有。是諸玉女。以何因緣。得近

玉帝。復有此微妙希有之香。霑馥我等。請示厥因。

生天等眾。既得帝光之樂。乃明罪福之由。痛念前非。質問今果。其言如此。

爾時

天尊告於大眾曰。汝等自從曠劫至今。縱無明性。造十惡業。六塵徧染。三業縈纏。肆意任心。曾無覺悟。陰罪陽過。日積月深。皆道違真。順邪棄正。舉心運念。動結愆尤。遂使命

過之後。身落三塗。不得解脫。天高地厚。覆載何私。今爾等得遇慶會。伊邇道顏。皆爾自罹惡趣。常用哀悔。誓斷惡因。欲宏生道。以此精誠。獲遂超拔。又諸玉女。分帝之光。爲金之粹。有情無情。被其蔭照。卽生香果。吾今遍燭塵沙。景會當爾。非是因緣。爾等何由出離障礙。

天尊明眾等前此罹苦之故。及今茲解脫之由。其解罪也。原於哀悔。自新其生天也。原於帝光慶會。玉女分帝靈光。有此香果。莫非道也。

爾時諸天化身

玉帝。卽以神通不動其所。移接天人。皆令得至清微天宮。玉清聖境。元始會下。是諸眾等。不覺其妙。一切天人。如無



邊明鏡照諸影像。互相容入。時諸大眾稽首仰瞻玉帝化身。聖中最尊。增長清信。益加志樂。心無退轉。起大堅固。

神通不動。移接天人。至靜而靈。至神而化也。無邊明鏡互相容入。圓明空妙。可想諸天大眾。在光明鏡中。益知玉帝之尊。而堅其道願也。

爾時十方諸化

玉帝俱復一體。坐法座中。法筵聖眾俱欲請問

帝身由來。未敢造遽。於是元始會前。舉大光明慧珠。照徹人天眾境。是諸眾等乃見元宮玉闕。變幻神光。妙嚴寶座。一大靈圓陀羅化身。天上天下。萬國九州。一切靈光。悉由

斯帝。煥發影形。乃至聖梵金仙。五老十極。諸天星辰。兩儀四象。八寶三清。無窮妙境。均在帝身。

帝分光而未嘗不依然一體。聖眾莫測其由。欲請問而未果。元始知之。因以慧珠照徹人天。俾見實像。乃知六合內外。一切光明。無不在帝身也。

爾時寶珠鏡中。現出無量劫前玉帝胚胎。窈冥始化。細入微極。元元沈沈。恍恍惚惚。若有象若無象。形如嬰兒。是諸毛孔。放百千億光。於是生化不實不虛。空明妙有。結成天體。道滿大千。有一真人。隨帝誕降。亦著光明。分厥形肢。實為百千玉女化身。元始於間。分羅玉炁。不識不知。諸天瑞光。惟見真空妙有。靈和清境。三寶



上帝若遠若近。觀者迷渺。忘其身相。皆覺己身。各有一

玉帝在於心目。

寶珠鏡中。現出玉帝法身由來。圓妙靈通。生化天體。而玉女亦隨帝誕化。惟元始更有至妙至神之化。分布玉炁。雖諸天聖流。靡測所以。變化於玉光中而已。

元始怡然微笑。斂珠復形。天帝依然宴坐。

玉皇宮闕。眾聖茫然滋惑。

元始斂珠。而一切妙境寂然。天帝依然未有動境。眾聖乃益茫然於所以也。

天帝乃莞爾嘆曰。爾諸天人。今聚寶梵真境。各得一光。忘其所以。吾何形象。乃勞窺矚。天地未分。元始師慈。授吾道法。以迄於今。今茲下世人民。流逐忘真。靡踐形體。吾自元

初始化。躋於斯位。無有影形。均吾覆照。道化有因。三才分判。實乃一元。河沙彼岸。天元金寶。惟吾獨鑒。爾諸天人。欲得吾真。無聞無見。見亦有吾。吾因見現。聞者非吾。吾豈聞聞。生者化者。來者云者。爾自爾真。非吾私爾。爾歸吾因。吾即爾神。爾識真神。與吾相親。爾外爾形。天地無恩。天吾所司。天竟何有。地吾所覆。地究何名。天地之寶。吾獨光明。明者非明。不自知明。不明其明。乃喪厥形。形與明並。明以形生。真明不二。真形不形。爾等茲會。各見光明。吾以道馭。何滅何生。而待形索。明亦非真。真境真道。吾此間存。

天帝自言其實。以曉眾等。帝在無聞無見之先。未嘗不在有見有聞之內。人各有己之真。即各有帝之恩。苟外



己身而求。即與天地無與。推帝之所以主宰天地。則天地且歸無有。惟帝而已。帝以光明為尊。然明非獨明。凡有形者悉賴焉。不明而有其形。非真形也。真形不以形泥。真明惟以道馭。不滅不生。道之體也。素以形。形必非真明。亦非真明者。真道也。真道者。真帝也。

玉帝說法已。諸天咸起光明。見玉帝與己乃竟無二。皆大歡喜。

諸天聞言解悟。知帝之所以光明。則己身之光明。何多讓焉。此其所以歡悅。

元始天尊乃說誥曰。

九天之上。謂之大羅。至尊玉帝。明慈太和。生化諸有。靈光孔多。天體清淨。妙有元科。空中非色。色豈真空。空色之至。天地咸羅。

道身法身。圓明化身。身中有身。身外無形。

形神兩附。形死神生。生者不二。死者何真。

真中真至。形神並生。是為道本。亦曰玉尊。

玉尊之尊。惟道為身。道不生死。炁判濁清。

清濁高下。在乎一心。惟爾有情。與帝皆親。

親帝者德。遠帝者形。形神並育。玉帝之恩。

恩不自恩。乃昧其真。真昧形存。是為蠢生。

生天諸聖。咸有一真。此真非真。玉帝為真。

帝光攝受。帝命生真。有神有形。皆道之精。

帝即道體。道為帝真。爾諸世界。何逃帝明。



不明己真。乃棄厥靈。天帝今日。大放光明。

萬有不一。皆化厥形。惟道之妙。至於斯真。

天有九重。大羅無所不羅也。明則無所不照。慈則無所不容。太和。一炁之運也。言天帝以如是之德。生化萬物。而清淨者自如。以爲有色。而實無象可尋。以爲無色。而實至真無二。以此包羅天地。其身即道之身。其神乃不形之形。萬物生死。帝獨無生。死蓋真中。又有真焉。玉尊即道也。物莫不受氣於天。即莫不受蔭於帝。但萬物滯於形。漓其真。則與帝日遠。是爲蠢生。彼生天諸聖。猶是人也。惟自葆其真。得帝之真。故常在帝光之中。而形神並壽。然帝非一一而付之。帝即道體。道無不包。人不知道。則以道爲高遠。帝今大放光明。亦以道覺斯民耳。而奇妙乃至於斯。良以帝妙即道妙也。

天尊說誥已時有

昊天上帝。告於諸天聖眾曰。吾自元皇受炁。即荷帝光。今

日法會希有。道化普宣。元始道尊。乃發

玉帝靈寶秘密之機。元元化炁之本。此諸妙義。待三百劫

後。吾將奏帝。流傳下土。俾有情無情。悉知帝尊。不昧真明。

天真永賴。可圓其真。爾斯眾真。同際法緣。靡非善慶。於是

再拜

玉尊而說頌曰。

大道生萬物。

尊帝爲之根。

天極與地極。

一炁化流形。

元元太上祖。

乃在混茫尊。

玉帝賴師慈。

轉馭大乾坤。

帝身萬億身。

帝心萬億民。

身中復有身。

妙有現光明。



身外亦有身。

虛羅一炁行。

帝心廣敷仁。

心心各一真。

能受玉帝光。

能空妙有心。

眞明守眞一。

卽是眞空形。

今臣際法會。

重觀慧光音。

天尊光照普。

世界一粒金。

分之分處合。

合者合還分。

分合歸帝德。

咸仰大光明。

昊天上帝諸天之一。爲太眾言。元始說此經義。當流下土。以曉斯民。庶幾知帝之眞。自保其眞。人天不至相遠。而諸天之聚會。皆非偶然也。頌言極稱大道之妙。元始之慈。玉帝之妙。身中有身。身外亦有身。身之所以無二尊也。能空妙有心。眞明守眞一。心之所以無兩大也。世分雖廣。經光照而悉融於一粒之金。乾元所以統天也。分處有合。合處有分。皆歸帝德。普現光明。帝妙如是。孰能窺之。

昊天上帝。說是頌已。諸天雲羅寶蓋。散繽紛香花。天聖仰觀。大羅金闕。玉皇頂上。結一大光明寶日。奇彩仙花。紛紜羅列。交錯經緯。神輝萬道。天關震動。地轂迴旋。

玉帝神通不動。天人益增欽禮。嘆未曾有。

雲羅結爲寶蓋之形。香花出於帝光之內。玉皇頂上。一光明寶日。是帝之眞。而道之彩也。紛紜形其多。羅列言其密。交錯互成文也。經緯縱橫織也。神輝萬道。不可端倪也。天關震地軸旋。玉帝之神通自然翕應也。


稱念

玉皇宥罪大天尊

三聲

上卷終





太上刪正玉皇尊經善本卷中

爾時眾中有一侍者名曰妙光從座而起從容雅步長跪道前白

天尊言臣夙昔何幸仰侍御前親奉供養已經億劫三清境界金闕玉京寂淡逍遙安樂自在嬉遊聖域餐聽法音未曾見此希有之事不審向來光內所現十方諸天變現聖境皆有

玉帝應化法身天真大聖妙行真人靈如玉女以爲侍衛是諸玉女相貌端嚴形體姝妙出眾妙香無與等者復蒙玉帝神通移接今皆普集在清微天未審今此玉女以何



因緣得證妙果有此靈通。

妙光侍者因玉帝變現聖境中。皆有玉女。而復皆能出眾妙香。普列於清微天。則非虛有之象也。故叩其妙果之靈通。奚自。

天尊謂妙光言。汝固初入聖流。雖有智慧。未能明了。此諸玉女乃自往昔無量劫中。修諸妙行。具解脫門。同清淨信。同清淨解。同清淨行。同清淨意。同清淨心。同清淨身。同清淨果。同大慈心。同大悲心。覆護眾生。如母撫念。愛於赤子。奉戒專一。冥心大道。清齋宏誓。千萬劫中。尊奉

玉帝。此諸玉女。非實是女。皆天至真。爲度羣生。現玉女身。是故身色神通智慧隱顯變化。與帝同焉。爾時妙光聞是

說已。心得開悟。稽首歡喜。默然復位。

初入聖流。非先天自然之靈神也。無量劫天地闔闢以前。運會渺茫之會。妙行至妙德行。解脫解情質而脫塵汗。清淨不二不雜。信。信道。解。悟。解。行。功。行。意。心之動幾。心意之主也。身。色。身。果。性。真。完。實。如。果。大。慈。以。慈。愛。之。本。心。言。大。悲。以。悲。憫。願。連。之。觸。發。言。母。愛。赤。子。申。大。慈。大。悲。之。意。奉。戒。守。道。規。也。冥。心。言。至。誠。向。往。淵。靜。之。狀。清。齋。不。以。口。腹。累。性。體。也。宏。誓。誓。行。大。道。無。怨。悔。也。尊。奉。玉。帝。臨。淵。墜。冰。無。一。息。不。與。天。帝。通。也。道。體。成。就。隨。其。變。化。無。所。不。可。而。玉。女。之。身。色。神。通。所。以。妙。也。

爾時

高虛清明天帝。與諸天眷屬。馭八景鸞輿。九光寶蓋。奏元歌妙樂。詠無量洞章。散天寶花。噴天真香。飛步遊空。來詣道前承



天尊玉帝威神之力。是諸寶花卽於空中。化一寶蓋蔭覆大眾無不周徧。

高虛清明天帝。見此希有。稽首長跪。白。

天尊玉帝言。賤臣懈怠。後會法筵。今日吉慶。值遇法橋。幽顯聖凡。普霑聖澤。放大光明。現希有相。上照諸天。一切樂土。八天聖眾。悉集御前。下照下方。無極世界。同元都境。近接九天。靈風奏樂。宮商相和。激朗雲庭。皆成洞章。一切眾生。咸臻道化。酆都鐵圍。長夜九幽。一切地獄。受苦眾生。盡承光力。皆生諸天。得受快樂。今日所散天寶奇花。旋結成蓋。徧覆法筵。大會眞眾。盡承斯光。威神之力。臣等千劫良

因得沾妙化。非此道光。曷醒塵迷。於是頌曰。

金闕元穹祖。

高上玉皇尊。

妙相冠諸天。

慈光燭三界。

運會值元和。

金身現諸法。

天體不二門。

乾光惟妙有。

生化五行根。

分部諸天界。

玉相大莊嚴。

觀者無弗足。

斯運及微臣。

寶蓋天花繞。

矧彼諸含靈。

三光分惠照。

今際大光明。

神通飛五道。

一炁永無頗。

含輝知弱草。

眞風發眞明。

天尊慈光老。

高虛清明天帝。亦諸天之一。以其神通。噴天寶花。而玉帝以光攝之。寶花卽成寶蓋。因拜讚帝光之樂。而說偈。



以頌大意。言天帝所以爲諸天之至尊。而今茲惠照所及之宏也。

昊天大帝。說是讚述。天尊復告聖眾曰。是帝身。卽道身也。非常體也。是無量功德之身。是清淨自然之身。是神明堅固。不壞真空。無上法身。威靈恢廓。名聲周徧。無幽不燭。神妙巍巍。難可稱焉。是

帝。非有爲功德之所薰修。光照人間。恆於每歲孟春。上元甲會。分布玉炁。而

帝。是月七日。乃胎眾生。一二化三。應乎九陽。是故往昔天人。常以正月九日。爲

帝誕辰。然帝雖分光人間。而身清淨。未嘗不在金闕。分身

變化。應現隨方。利濟羣生。超昇道岸。普垂教法。開悟後人。依教奉行。登真成道。以斯功德之所莊嚴。是故光明。常充諸天。神智妙達。莫可度量。是身光明。皆具妙號。所謂大神通光。大慈悲光。大喜捨光。大忍辱光。大平等光。大柔和光。大自在光。大利益光。大如意光。大智慧光。大吉祥光。大解脫光。大歸依光。大功德光。大圓滿光。大無礙光。無能勝光。是故汝等。欲見是帝。而不可得者。緣以汝等。尚於身口。不捨結習。煩惱行業。由是障故。弗覩慈顏。吾今爲汝。法會眾等。宣示斷障之法。汝等大眾。宜各奉行。時諸大眾。不勝喜躍。各於至尊几前。稽首作禮。靜竚欲聞。



無量功德。言其廣大。清淨自然。言其純一。神明堅固。不壞真空。則至誠而已。上元謂上古一元之初。甲子。天之始也。每歲孟春。亦曰上元。以其為一年歲之始。而名。正月建寅。寅為甲子。十五上元。天官校錄七日。為人日。一生二。二生三。三生九。陽光斯老。故正月九日。相傳以為帝辰。帝以一炁化生萬物。光明長新。別而呼之。各有一義。神通神明。無所不通。慈悲仁憫。無所不及。喜捨施濟。不吝忍辱。舍垢納汙。平等無彼此。柔和順而公也。自在安而敬也。利益活被之意。如意足眾生願。智慧幽顯畢照。吉祥慶蔭也。歸依不違仁也。功德以其成功文章。言圓滿。以其周徧無缺。言大無礙。隨所施而無不可。無能勝物。莫能兩大。蓋天之高明。靡可窮。即帝之法身。難擬議。人能肖帝之一光。皆為德器也。宗身口習染結而難化。煩惱性情。若不能捨。是以去天遠。而為德薄。大帝言帝之實。以誘人耳。

天尊言曰。斷障之法。當生大慧。無起疑惑。無起淫慾。無起嫉妬。無起殺害。無起妄情。無起凡思。無起昏垢。無起聲色。

無起是非。無起憎愛。無起分別。無起高慢。無起執着。凝神澄慮。萬神調伏。心若太虛。內外貞白。無所不容。無所不納。無令外邪亂其至道。牽失真宗。敗其靈根。盜其至寶。致爾劫劫永墮凡流。困入俗網。萬魔來攻。沈淪展轉。不聞妙道。鬼神執誅。從生入死。是故汝等。應當志心善護真宗。無令喪失。如前所說。如是諸障。一一當除斷之。身得清淨。超度諸難。是名道寶。持法真言。更當修奉實蘊。如近是帝。生尊重心。注想尊容。稱揚尊號。然後汝等。得覩慈顏。咸蒙護度。普聞妙法。親奉供養。永無輪轉。是時四眾。聞是說已。欣喜踴躍。歎未曾有。



此言斷障之法。乃入道修行之第一務也。大慧則不迷於所趨。疑惑不真。淫慾不正。嫉妒不公。殺害不仁。妄情非義之想也。凡思塵濁之念也。昏垢嗜慾喪其明。聲色耳目滄於外。是非憎愛分別。人所不能無也。而何以無之。蓋一於公正。渾忘其所。是非憎愛分別。乃物之自呈其狀。而我無與焉。天之所以爲天也。高慢則侈。執着則愚。凝神己之神靜。調伏天之神通。太虛無所有。貞白正而潔也。眞宗眞性。失眞宗則邪魔乘之。人鬼分途。死多生少。故當除其障而合帝心。庶得長享道光也。

爾時

天地始祖五老上帝稽首長跪曰

天尊言伏聞

高上玉皇慈念蒼生普放神光照燭法界六凡四聖普叨道蔭竊以凡夫短景劫運將終正道宜行以濟兆民使修

眞之子有梯輕舉末代蒸民俱獲眞道自昔

元始初劫洞元靈寶赤書玉篇眞文生於無始之先空洞之中天地未分日月未光杳杳冥冥無形無緒無臭無聲混沌太無靈文晦靄出乎太虛乍存乍亡靈圖開化元象推遷結氣浮空玉帝眞誥靈寶祕篆無上神咒於是存焉故天地得之而分判三景得之而發光靈文鬱秀洞映上清發乎始青之天而色無定方文勢曲折難可尋詳元始鍊之於洞陽之館治之於流火之庭解其正文瑩發光芒洞陽烝赤故號赤書靈圖既煥五帝朝眞飛空步虛旋行上宮霏香散花雅詠靈章是時天啓十二元瑞地發二十



四應上慶九天之靈奧讚三天之寶明神風既鼓皇道咸  
暢元始敦命太真按筆玉妃拂筵鑄金爲簡刻玉爲書五  
老掌錄祕於九天靈都之館玉女疊緇太童引旛金華眾  
聖衛陛朝軒九天玉書非鬼神所聞故天寶之以致清地  
祕之以致甯五帝掌之以馭行三光乘之以高明上聖奉  
之以令神百靈棲之以至真五嶽從之以得鎮聖王欽若  
以爲根民物阜成以爲本實靈寶之妙德乃宇宙之元文  
威靈恢廓普及無窮蕩蕩大化爲神明之宗其量莫測巍  
巍乎太空是時元始降命元象開圖靈文鬱秀神表五方  
分判天地開化萬靈此元真之寶蘊甯得暫披其元邃乎

今皇道敷暢澤被十方仰觀炁運真風宜行臣心竊欲使  
靈蔭入遐風灑蘭林寒條仰希華陽之繁朽骸蒙受靈奧  
之津明真有徑今當俯行仰對元慈下伸丹懇惟願哀憫  
引度蒼生不審靈寶玉篇真文可得見授下教於未聞者  
乎

天地初分五老即分玉炁生成萬物故曰天地始祖也  
五老言玉皇憫蒼生而放光明人天幸沾道蔭但過此  
以往道光復閉則凡夫流浪生死如日之短景劫運難  
追欲元始更傳真法以流世寶而因言無始之先靈寶  
真文由來珍重如此可授世人以廣道化也夫未有文  
字之先天地何名靈寶真文發於元始乃造化自然之  
秀萬神生化之門窮本窺原誠非可  
爲謏小者道也其文了了可無庸註

於是



元始天尊撫几高抗凝真遐想觀時已至普爲時會一切  
眞聖論定陰陽推數劫會移校河源檢錄天度選擇種人  
指拈太無朗嘯九元念難開授於文辭幾若閉礙求真之  
路是時

五老帝君告退十極真人飛天玉母等眾徘徊雲路清香  
執節翔導而來恭詣

元始道前啓問不已良久

陰陽氣有盛衰劫運數所自來種人善人之歷久而不  
朽者也太無太極虛無之理九元九陽數極之處元始  
察見氣化之將來窮太無九元之奧有難以文字開示  
者一時未有以答也其遲回之狀若不許他人問津故  
曰幾若閉礙求真之路五老既未敢復請而十極真人  
等乃重申詣問亦可見此經之義在生物之先而鄭重

無倫  
矣。

天尊乃垂霽穆之容嘆曰爾等所叩庸弗善乎顧天地祖  
兆萬劫希聞茲若等窺啓妙義欲廣斯民惟是六天道雜  
戾氣未除惟靈寶之妙典空洞自然之雲章不識不知無  
形無體吾昔混沌開化覲此靈跡首闢斯文圖書未彰八  
卦未剖卽有如是靈妙不可思議之蹟分司列宿陰護斯  
民奇形異彩煥爲雲琅寶篆天得以清地得以甯人得以  
亨茲若等苦懇奚弗相付靡或妄宣若其詣靈都紫微上  
宮聽天音於金格視俯仰於神王然後當使得受天文以  
總御元始之天也於是十極仙眞還與五老帝君同詣上



清太元玉都寒靈丹殿紫微上宮受俯仰之格乃知天真  
貴重難可即聞還乃更詣

元始道前諮以禁戒之儀遜謝不逮

六天道雜謂六合之內生人所為不一其途戾氣不正之氣雲章也而不識不知無形無體故曰虛無之寶非元始其孰能窺之紫微中天之帝所居金格天庭禁格視俯仰於神王視上下界神王之典勅也受天文則可總御元始之天否猶未及乎上聖之高明也眾真如言詣上清觀禁典之祕乃增愧謝遜其請之驟也

於是

天尊慈顏愍諭靈關廓開敕命五老帝君開洞陽玉館披  
九光八色之韞雲錦之囊出元始靈寶赤書玉篇真文金  
書玉篆微妙祕密運御乾坤大光明圓滿大神咒玉章宣

付五老帝君是時五老帝君拜受已及諸天聖眾稽首禮  
謝

天尊玉帝仰奉道旨按法以傳維時天真大聖共侍雲庭  
馳光激電雷司喧噓奠洒乾坤海運風輪天迴斗照雲露  
霏微日月旋曜團結光芒開盪凡氛霎時風恬運息窮微  
清淨四字光明靈文朗徹不可名狀諸天諸地十極聖真  
俯仰惕息慨未曾有

靈關天地之關敕命猶言申命按法以傳五老受而傳與一切神部也傳此靈章天地感動一時變現色象奇妙元微是以諸天諸地感而惕息

東方安寶華林青靈始老蒼帝所受神咒誥命







流熒熒與遠塵少羣  
秀智南宮深居寶笈


下制東河。溟海水神。大劫洪災。蛟龍負身。

水府開道。通徑百千。上帝赤文。風火無間。

羽翬翬與遠塵少羣  
秀智南宮深居寶笈  
光燭燭與遠塵少羣  
秀智南宮深居寶笈

東方青帝符。


靈寶九炁天文。化生赤帝  
炁。三天九真。太空尊神。





東方安寶華林青靈始老蒼帝符命。


日月以定。山林以開。三天大慶。羣真徘徊。



元始青帝真符。

召直符區更生。守靈寶天文道士吞之。靈炁鎮肝。生青精寶華。九葉神爲役使。通靈致神仙。

直符區更生無上大真。





元上青精。九炁大靈。神光遐散。流映東青。

華景鬱勃。灌我身形。宮府安鎮。寶魂自生。

洞達八朗。飛昇玉庭。

東方安寶華林青靈始老蒼帝三元符命。

九駕命天。龍符保真。多川災水。不敢彌天。

急急如律令

中山神咒。易爲神臣。度人命籍。萬災不纏。

急急如律令

西山上王。命爲保真。一人有道。位事九真。

急急如律令



玉皇誥命。以錫東方安寶華林。青靈始老蒼帝九炁天君。令統御東方諸天諸地。日月星宿。名山靈洞。水府泉宮。上聖高尊眞仙聖衆。一切威靈符命所臨。如誥奉行。

東方震宮。而曰九炁者。乾金施化於長子。蒼龍七宿。斡其樞。老人。卽蒼老。東山東河。則盡乎東界矣。其詞皆攝召鬼神之義。下放此。

南方梵寶昌陽丹靈真老赤帝所受神咒誥命。

南方丹天。赤帝玉堂。中有大神。號曰赤皇。  
上炎流烟。三炁勃光。神仙受命。應會太陽。

痛逃而云於其病  
 有武所賦冠烈丸  
 能誅滋少煖並罷  
 厥由器爾產課勞

熒惑輔心。井鬼守房。柳星張翼。統御四鄉。

軫總七宿。迴轉天常。召運促會。正道驛行。

頤菜脯藥共棗煖序



赤文命靈。北攝豐山。束送魔宗。斬邪滅根。

符教所討。明列皋原。南山神咒。威伏八方。

羣妖滅爽。萬試摧亡。

芾  
 翊  
 始  
 亟  
 萌  
 迭  
 思  
 肩

此些賊盜賊盜  
盜盜盜盜盜盜

南河水帝。太伯龍王。神咒流行。普掃不祥。

洪水飛災。正召蛟龍。開除水徑。千道萬通。

敢有干試。攝送火宮。赤書所告。莫有不從。

[illegible]



飛騰騰想秀超然  
 游游欲與風馳迅  
 游游若若懷若承  
 游游若若懷若承

南方赤帝符

靈寶三炁天文。化生黃帝  
 炁王事。司斗正。屯已身。

司斗正屯已身  
 司斗正屯已身  
 司斗正屯已身  
 司斗正屯已身

南方梵寶昌陽丹靈真老赤帝符命。


玉音吐炁。素奏以御。保命定仙。玉歷定封。

玉音吐炁  
 玉音吐炁  
 玉音吐炁  
 玉音吐炁



元始赤帝真符

召直符昌中。守靈寶天文。道士吞之靈炁鎮  
 心生丹精寶花三葉神。為役使通靈致神仙。  
 直符昌中。止道統御。



丹華流映。寶芝生光。神精徹幽。散靈八方。

直符攝炁。嘯命朱童。三精敷煥。注我絳宮。

赤神安鎮。五香溢充。洞映形外。表裏發光。

身生水火。獨步飛行。


南方梵寶昌陽丹靈真老赤帝三元符命。

正一命人。長生上天。





萬川洪流符吏水母竭焉



日月力出王平山東火災不起人民臣

右

玉皇誥命以錫南方梵寶昌陽丹靈真老赤帝三炁天君  
令統御南方諸天諸地日月星宿名山靈洞水府泉宮上  
聖高尊真仙聖眾一切威靈符命所臨如誥奉行

南方離宮而曰三炁者木母施德於中女朱雀七星煥  
其文炎上升煙下流太陽乾也南山南河統歸赤皇所  
司

中央保劫洞清玉寶元靈元老黃帝所受神咒誥命

中央總靈黃上天元始生五老中黃高尊

攝炁監真總領羣仙典錄元圖宿簡玉文

催運上炁普告萬神



截邪斬根。

明度天關。

金馬驛傳。

流煉神宮。

莫有當前



中山神咒。

召龍上雲

制會黃河。

九水河源。

不得怠縱。

善惡悉分

千妖萬奸。

上對帝君。

敢有干試。

太陽激燼。

赤書玉字。

宣告普聞。

[illegible]

中央黃帝符

靈寶一炁天文。化生白帝炁。山陽之  
日。正斗屯一。有物子申。爲上仙元。



中央高皇玉寶元靈元老黃帝符命  
總召天地。九天以制。同係五炁。上帝遙觀。

中央高皇玉寶元靈元老黃帝符命

總召天地。九天以制。同係五炁。上帝遙觀。


中央高皇玉寶元靈元老黃帝符命



元始黃帝真符

召四方直符。守靈寶天文。保中央。道士吞之。靈炁鎮脾。生黃精寶華。十二葉神。為役使。通靈致神仙。

直符中非。三天靈文。



總元高靈。回神四鄉。黃土散華。五帝交芳。

流精散漫。十二重光。混合我形。萬神相迎。

安鎮黃脾。養神中方。保齡度劫。永鎮無窮。

中央高皇玉寶元靈元老黃帝三元符命。

天徊月移。劫運無衰。





丁詢有命勿句存。獲爲無育見乾坤。

司馬遷

出陽入陰。壞山川。尤土欲崩。符不聽頽。

司馬遷

右

玉皇誥命。以錫中央。保劫洞清玉寶。元靈元老黃帝。一炁天君。令統御中央。皇天后土。日月星宿。名山靈洞。水府泉宮。上聖高尊。眞仙聖眾。一切威靈。符命所臨。如誥奉行。

中央曰梵天。爲五方之主。故曰總靈。北斗天樞七星。近在帝垣。主持人命。攝召萬天。黃河經地。乘天亦中。悉所結帝君。卽天帝也。

西方七寶金門。皓靈黃老白帝。所受神咒誥命。

西方素天。白帝七門。金靈皓映。太華流氛。

白石峩峩。七氣氤氲。上有始生。皇老大神。

總領肺氣。主校九天。檢定圖籙。制召上仙。



主制七關

受符北元。

普歸帝君。

西山神咒。八威七傳。符水上龍。召山送雲。  
在所校錄。同到帝門。輔衛上真。斬滅邪源。



若有不祥。截以金關。赤書符命。風火驛傳。


如	司	那	那	則
那	那	那	那	那
那	那	那	那	那
那	那	那	那	那
那	那	那	那	那
那	那	那	那	那
那	那	那	那	那
那	那	那	那	那
那	那	那	那	那
那	那	那	那	那

西方白帝符

靈寶七炁天文。化生黑帝炁。上止。五道。勿人迴遊。兆子三天門。




西方七寶金門。皓靈皇老帝君符命。  
策駕五老。西盼九都。億劫同會。明定九河。



元始白帝真符

召直符吏曲正守靈寶天文道士吞之靈炁鎮  
肺生白精寶華七葉神爲役使通靈致神仙。  
直符曲正。洪災度人。



金靈七炁。素帶流分。金精童子。首建元巾。  
帶符攝炁。萬神會門。寶光奕奕。照我會根。







玉皇誥命。以錫西方七寶金門。皓靈皇老白帝。七炁天君。令統御西方諸天諸地。日月星宿。名山靈洞。水府泉宮。上聖高尊。眞仙聖衆。一切威靈。符命所臨。如誥奉行。

西方兌宮金星正位而曰七炁者陽火煅結陰金爰成  
化果白虎七宿正其綱太華西嶽白石金精之所結入  
威入寶所乘之威七傳火炁煉也上龍龍自下而上關鑰也

北方洞陰朔單鬱絕五靈元老黑帝所受神咒誥命。

北方元天。五氣徘徊。中有黑帝。雙皇太微。

總領符命。仙鍊八威。青裙羽襪。龍文鳳衣。

上帝所舉。制到玉階。

梵出矣否越而弗濫  
 言有壁焚翫綵瀉郵  
 驗醒殊酌風候閑弛  
 望英非庚戌批后聖承  
 茆樊陽蔽迭我因階

北辰輔腎。斗牛衛脾。女虛危室。豁落四開。

壁總七星。執凶糾非。卻災掃穢。明道動輝。



其勇執勝於德  
其產臣皇執  
其德炳煇  
其德炳煇  
其德炳煇  
其德炳煇  
其德炳煇  
其德炳煇  
其德炳煇  
其德炳煇

北山神咒。激陽起雷。流鈴煥落。攬天鎮威。

北豐所部。萬妖滅摧。

其志威臨  
其志威臨  
其志威臨  
其志威臨  
其志威臨  
其志威臨  
其志威臨  
其志威臨  
其志威臨  
其志威臨

其精  
其精  
其精  
其精  
其精  
其精  
其精  
其精  
其精  
其精

九河傾訖。鳥母羣飛。蛟龍通道。水陌洞開。


赤文玉書。驛龍風馳。

其德  
其德  
其德  
其德  
其德  
其德  
其德  
其德  
其德  
其德

北方黑帝符


靈寶五炁天文化生青帝炁  
三炁高王易遷川人司萬言





北方洞陰朔單鬱絕五靈元老帝君符命。


羅天北斗。定會九期。景散八極。明石元滋。



元始黑帝真符

召直符尹豐守靈寶天文道士吞之靈炁鎮  
腎生元精寶華五葉神為役使通靈致神仙

直符尹豐。開道救鬼。





北上太元。五炁徘徊。寶華五重。流光映暉。  
雲景鬱香。洞映大微。仰注我身。腎府鮮開。  
安鎮靈宅。萬神總歸。身生羽服。舉形自飛。  
北方洞陰朔單鬱絕五靈元老黑帝三元符命。  
上王適月命天仙戊己多力士辟水源。

三命正戊八力人任日遣患無爲君。

適百百九君有臣二千此度己身

三命正戊八力人任日遣患無爲君。



右

玉皇誥命以錫北方洞陰朔單鬱絕五靈元老黑帝五炁  
天君令統御北方諸天諸地日月星宿名山靈洞水府泉  
宮上聖高尊真仙聖眾一切威靈符命所臨如誥奉行。

北方坎位五炁上炁之生於天者制水以功收藏也元  
武七辰標其幹首段言黑帝之質次節言七星之功三  
節言北部山河之神怪以上五方神  
誥詞義幽奧係天機靈秘不能盡洩

太上刪正玉皇尊經善本卷下

爾時

道命宣示靈寶玉書訖天地迴翔五老奔命十極真人共  
理元始妙系經緯萬端圓成大化。

玉書宣示而其神功如此元始妙系造化虛  
羅之根蒂經緯縱橫錯綜太化一元之化

天尊色然含笑五老帝君迺前致詞弗審玉篇真文有何  
靈異攝炁舉仙彌羅覆形生化不息道言是諸世界萬有  
弗齊俱緣後起惟此

玉皇真誥靡有形聲本諸太無皇輿未兆一字胚胎于時  
若等仙卿莫名罔象金花絢爛玉朶微芒妙果昭宣靈風



映發浮空結體煥為斯文。日月五星森布九天。厥有民人是光聚散。萬有殊形。矚之則是求之已非。謂天蓋高。天非有形。謂地蓋厚。地以何存。天地之秀在乎斯文。吾始鍊度日月垂英。金光化灼。元祖冥冥。若今幸覩永寶鎮之。

皇輿即天地。一。道之體。字。寧也。言大道初生萬物之時。仙眾尚無名象。而金花玉朵。結為妙果。即煥靈秀。第其質窈冥恍惚。是非靡定。元始乃鍊度成文。比於日月之垂英。賴此可以彷彿元祖之冥冥也。

五老帝君於是迴光化炁。分據天綱。奉道宣慈。十極真聖。庸歸統部。

元始復告諸天聖眾曰。吾自位上清。即知斯文。當流下土。柰天下人民。塵迷濁性。久溷真宗。靡究陰陽。曷知天命。是

大神咒。本無為之法象。有用之文章。天星列朗。地化乘光。非茲靡著。茲咒三龍之後。庚子之年。應宜普暢。惟爾仙眾。與時稽核。靡使紊干。諸天大眾。再拜而退。

五老鎮天綱而宣大化。真眾咸歸統部。元靈文之實功也。元始乃言此文。流傳下土。恐人民塵濁之見。遂想忘真。不知寶重。命仙眾稽核。毋使久而紊亂干藝。三龍之後。庚子之年。即上文所謂劫會之後也。

爾時

玉虛上帝白道言。臣昔初登寶級。即聞

玉皇功德。利益眾生。有此靈篆。今天尊大慈。宣說

玉帝由來。復為眾生流傳神咒。不識斯經。斯咒傳昭下土。

曷其有濟。得奚功德。



寶級層霄之上寶殿樓臺之居。玉虛上帝。叩此經咒之功效。

天尊曰善哉斯問。厥蘊良深。白昔人天異路。幽顯分途。所以者何。靈光發越。散爲萬殊。道本一原。形難悉肖。炁化所造。風土所域。人以神生。亦以形死。

玉皇天帝。敷光衍氣。萬彙昭榮。載厥元化。異秀鍾靈。迺或形枯。抑或神死。泯泯芴芴。天地無恩。厥有君親。蔑如耶肆。戾運積召。三光弗甯。八極四維。兵戈疾疫。厄會無央。拯之疇白。厥惟有道。恭默清夷。金星木彩。火燦文明。淮海清宴。百怪潛形。黃中坤炁。山嶽精靈。斯則化運。返于朴淳。若宜覆燭。永葆元皇之根。妙有之文。

道由一而分。分之愈多。炁化愈濁。人爲萬物之靈。形神皆秉道炁。但神與道一。則不朽。神與道離。則失真。神在而生。神去而死。枯於形者。無真。死其神者。無形。皆昧道之故。天地無恩。自外於天地之恩也。雖有君親。埒於耶肆。舉其不忠不孝之大罪而言。天運本無。否塞。人心乖戾。則戾氣乘之。厄會所由作也。有道有道之君。能以道正天下。五行歸其正運。元始言已憂世憂民。故闡此經文。元皇一元廣大之意。妙有雖有而不滯於有也。

若有眾生。孝養父母。竭忠於君。恭敬三寶。弗殺弗盜。弗淫弗妬。弗嗔。弗恨。弗驕。弗詐。奉戒齋心。誠依大道。生尊重心。持誦是經。吾卽勅下。周流法界。徧傳十方。無極世界。勅命東方東華帝君。青騎神仙兵馬。無央數眾。悉令下降。覆護受持是經者。勅命東南扶桑大帝。與其部眾。神仙兵馬。無央數眾。悉令下降。覆護受持是經者。勅命南方朱陵大帝。



赤騎神仙兵馬無央數眾。悉令下降。覆護受持是經者。勅命西南太華元老與其部眾神仙兵馬無央數眾。悉令下降。覆護受持是經者。勅命西方皓靈皇老白騎神仙兵馬無央數眾。悉令下降。覆護受持是經者。勅命西北皇天上帝。與其部眾神仙兵馬無央數眾。悉令下降。覆護受持是經者。勅命北方紫微帝君黑騎神仙兵馬無央數眾。悉令下降。覆護受持是經者。勅命東北沖虛天君與其部眾神仙兵馬無央數眾。悉令下降。覆護受持是經者。勅命上方天皇大帝崑崙蒼老黃騎神仙兵馬無央數眾。悉令下降。覆護受持是經者。勅命下方來和天君名山大洞神仙兵

馬無央數眾。悉令下降。覆護受持是經者。勅命十方一切金仙四眾八部及諸眷屬。悉令下降。覆護受持是經者。勅命十方天真大聖飛天神王三官四聖二曜九星北斗南斗斗中星辰二十八宿周天眾星金剛力士神王等眾。各與部眾悉令下降。覆護受持是經者。凡諸天地一切靈神與人神真共處。炁化潛孚寶斯經者。內清諸惡。外避百邪。誦經以求福而求福必本於修善善之大者無如忠孝三寶即三清天之元也。被盜淫妬嗔恨驕詐有一於此即為滅理喪心戒齋非止茹素。凡一切外道非禮之事概禁勿為是也。能如是則為真誦經之人。可以誦此經而通三界矣。蓋三界神靈與人神真共處一炁相通故欺其心者是慢其神慢神則必傾其性傾性之人雖人而實非人也。



一切山林川澤。土社壇壝。風妖水怪。居址墓住。動靜興居。百爲氛殄。萌於人心。成於物障。若克受持。是經厥念。庶誠厥爲。弗慝元德之極。

上帝遙聞。乃惟其斯福報。

此復推廣言之。言人履地而居。所在皆有神祇。動靜起居。一有不謹。卽召灾殃。能持是經者。則不以天爲渺茫。神明爲虛幻。凡諸百行。修心修善。至於德造純一。則功茂矣。玉帝有不鑒之者乎。

是經克清諸厄。感召鬼神。

玉帝功德。說不可盡。今茲敷廣靈寶祕章。若惟慎識。

天尊申言玉皇功德。及天人感應之理。曰靈寶祕章。爲其該萬物之理也。

元化靈虛影。

天真一綫通。

大羅金闕帝。

萬古開洪濛。

生人並生物。

一氣在其中。

太極無而有。

理數不勝窮。

化度諸天人。

五老煥雲龍。

空於妙有處。

了了性源衷。

天地呼吸應。

闔闢理斯公。

靈光承覆載。

有炁皆成容。

大哉一元宰。

萬妙咸所宗。

兩儀樞四象。

運御轂輪風。

日月五星朗。

體用分元穹。

雲雷開子命。

渺渺斯融融。

元始初混沌。

天帝何形容。

三祖闢光耀。

冕旒赫赫躬。

一竅凝眞宰。

法像森玲瓏。

玉帝光慈應。

萬有無停蹤。

動靜各分體。



帝心何冲冲。形載理氣住。理與神氣同。

圓明光妙質。彷彿無音翁。胚胎窺叵得。

億劫飛靈鴻。雲篆太虛秀。變幻直冥濛。

宰厥諸天氣。運馭金壺紅。含靈五老光。

不滅生穹窿。是經大功德。善孝根於中。

淨厥諸垢穢。天聽微夢夢。玉帝通光景。

眞志相含充。若今覃厥化。太一殊形崇。

吁茲下界民。混然中立躬。靡識大道根。

況解賦形從。天地元和意。枉撓同螟蠨。

珍斯靈寶祕。長鳴浩劫鐘。

玉虛上帝聞是義已忻禮而退。

言一元化靈虛之影。天之眞也。玉帝開萬古之洪濛。全具太極之體。順而出之。理數不勝窮。五老所以分玉帝之光耀。至論玉帝之所以然。則妙有眞空。一性源之萃會。故闔闢呼應。而靈光散布。凡有炁即皆有象。元牝者天地之門。道妙之根。兩儀四象。日月五星。一氣機之運轉。結聚天開於子。雲雷剝復。渺渺難窺。實融融不息。因言元始未剖之先。本無形質。自二元祖炁分曙。而玉帝位乎其間。求諸法像。益難端倪。而帝心之太和含育。妙理氣於神化之間。音希像寂。胎可窺。而未可窺也。雲篆太虛以下六句。言玉帝靈寶之文功用。如斯金壺一太極之別名耳。善孝者。人心所以承天。能然則垢穢可除。天地非夢難測。而玉帝之志。且與人相貫注。太一太極之理。眞一無二殊分也。崇高也。人不知道。則失天地之秀。而自儕螟蠨。此靈寶祕文。指明人天一氣之理。是浩劫覺人鐘也。

天尊於是開無上元穹之笈。闡玉帝慈覆之由。復授大乘



正覺華嚴生成妙有真空之旨。俾五老真仙神王聖眾承宣法旨。化度民人。

元化幽關。神鸞飛舞。金返流光。玉虛太古。

華程星輝。靈山巨輔。江海龍王。明章抱鼓。

吹噓一炁。層層生主。離命坎情。乾宮坤乳。

如針不翔。青天妙櫓。含江吸湖。銀崗鎗五。

華琳相輝。育齊清楚。三三乙環。河光天姥。

斗轉星移。秦山燕魯。江州大童。還丹搜虎。

龍飛天池。金雲珊處。源源渺誠。璇璣分杵。

浩旨根宗。修靈月斧。桂老團圞。山生杏塢。

潛化見田。悠哉玉母。仁兒含葩。青水沈祖。

笑殺河翁。眞眞五伍。亦聖亦神。和輝子午。

大乘梵語。華言第一義也。正覺。正道覺悟。華嚴。堅固之意。下文所言。皆造化精義。萬物所以生成也。元。一元。化。變化。幽關。至陰之所。神鸞。鸞鳥。秉火之精。元神似之。金返流光。以真金挽鸞光之流散者也。玉虛。無上聖境。太古。先天祖地。華。西嶽。程。里界。星。金之精。靈山。棲神之處。巨輔。北斗二星。光明。章。有條理。抱鼓。不離翁闕之意。吹猛。噓微。一炁之吞吐。似之。層層生主。承上三句而言。謂氣機摩盪。漸堅實也。命者。天地所以立。情者。萬物所以交。分寄坎離。仍不外乎乾坤。理之所宅。如宮。炁之所養。如乳。針。子午之標準。不翔。可翔而否也。櫓。以行舟。青天之上。有所以行。是妙櫓也。江。駛湖。潞。含吸。所以各殊。銀崗。山白如銀。鎗。以禁暴。五。土也。華琳。青玉。齊位。東。楚位。南。東有岱。南有江湖。育之。清之。天地所以運化。如斯。三三。九也。乙。太乙。環。如轉環。河。黃河。光。榮光。天姥。斗母星。斗移轉。三三乙環之實。秦山。終南山。燕。北魯。東。江州。在南。四方該之矣。大童。一陽長子。出於江州。天地之妙。



胎也。世稱煉道爲丹。此則言造化返眞之意。虎。金精。搜窮索之意。龍。飛天。池。得其本性。金雲。眞金之霞。珊。生南海。處安其位也。源源。不息意。渺。虛無。誠。眞實。二者是一。是二。璇璣。測天之象。杵。以降魔。分杵者。分運經緯也。浩旨。浩浩眞旨。根本。宗主也。治。除不類。曰修。道本無形。修其靈者。以月爲斧。桂。月中之彩。老。則金氣堅凝。團圓。月之象也。杏。塢。紅杏。點春。化之祥也。潛。化。見田。龍之不測。乾也。青。水。東海。沈。祖。祖性深藏。河。翁。河上。眞翁。笑。喜象眞眞。眞中更眞。五。伍。以五爲伍。天地之數。聯而不窮。神聖之所變化也。和。輝。陽和之輝。子。午。乾坤之脊也。

元始天尊。說是咒已。爾時紫微垣列位星君。太微垣列位星君。天市垣列位星君。日宮。太陽星君。月宮。太陰星君。周天二十八宮星君。同秉笏步光來詣道前共仰玉帝威神之力。懇敷元誥以利兆民。

玉帝乃說誥曰。

無上元穹境。化燭遍十方。齊曜列璀璨。

星斗自迴翔。天極三十六。理氣師維皇。

含靈五老運。七政爲之揚。金鼓震天響。

道果推平章。三三九九度。分秒積靈陽。

呼吸九州氣。萬國飛雲航。一粒中央貯。

大化尊明良。爾諸星帝子。手把金明裳。

綱理九天氣。吾亦全輝祥。浩劫樞宰位。

萬彙何恢張。軫彼有情眾。顆顆明珠藏。

仁慈忠孝義。吾迺垂其芒。爾挈天經紀。



一氣母氛槍。

日月星辰皆天地之功臣也。元誥謂元妙之訓。化燭。化光燭照。齊曜。即指日月星宮而言。天極。天之樞。三十六天宮之數也。維皇。即天號。五老。分玉炁。而經緯七政。道妙賴以平章。三三九九。皆至陽之數。分秒言其至微。積靈陽。莫非靈陽之炁。所厚積也。雲炁。航。度人舟。一粒中。央時。謂太極珠也。天帝有星聖。而成其明良。金明。裳。天府所以護維十方。恢張。廓大意。軫。轉運意。明珠。太極之理。芒。光芒。氣。不正之炁。槍。妖青也。天尊敘諸天星聖。分理造化之意。而戒以共保太和如此。

玉帝說誥已。諸天星斗帝尊。咸迴靈馭。拱禮北辰。而拜賡曰。

生天大造君。

宰制萬靈主。

十極洞光芒。

羣生真慈父。

元資始炁。

玉極無分輔。

彌羅覆護尊。

三清權綱祖。

皇閭蕩蕩形。

蒼威無始母。

大哉洞微精。

億劫名象古。

凡茲荷幪途。

九霄霑法雨。

蠹爾潛動儔。

一粒傾光注。

昧厥瑩靈根。

而成腥朽腐。

玉帝放毫光。

微幽悉生曙。

詎爾有私幇。

心精原茲乳。

臣等列鈞陶。

業業恆滋懼。

幸沐寵榮音。

而忘森俯佐。

願仗大慈仁。

乾靈清宇宙。

迴靈馭。則返其所。拱禮而賡。亦如人世之拜颺也。洞明透之意。無分輔。至尊而權不旁貸也。祖。至尊意。皇閭。天闕。蕩蕩。高廣無邊貌。蒼威。蒼蒼之威。無始母。元始一炁所從生。洞幽深微。微渺名象古。無可名象也。荷幪途。一



切在蓋幪之下者。法雨恩膏。潛動傳。推極至微之物而  
 言之。一粒傾光注。皆太極所分也。昧瑩靈失性本也。腥  
 則臭變。朽腐則形毀。蓋傷之也。曙天曉光也。私幪私為  
 覆幪。心精原茲乳。言萬物之心精。皆原玉炁。哺養也。未  
 六句。致其敬戒。以祝清甯也。

諸天說頌。既天帝羽節之儔。琅音競發。龍鸞繞拂。白玉玉  
 京。黃金金闕。飛散天花。香徹人天。三界表裏。如水晶琉璃。  
 光瑩粹潔。大眾人天。靡不欣悅。環羅侍御。而頌禮曰。

設使江河水。

波浪能生蓮。

慈烏毛能白。

如經固難遇。

設使龜生毛。

堪採為衣服。

夜月能消冰。

如經固難遇。

設使蚊蠅足。

堪構為橋梁。

能載一切重。

如經固難遇。

設使黃口雀。

能啣諸大山。

擲之他方界。

如經固難遇。

設使一葉舟。

力能載崑崙。

浮渡於大海。

如經固難遇。

設使諸水蛭。

口能生巨齒。

其大如象牙。

如經固難遇。

設使蓬蒿葉。

能覆無央界。

廕庇崑崙山。

如經固難遇。

設使烏梟類。

同樹一巢棲。

啣食共反哺。

如經固難遇。

設使兔生角。

堪用為梯磴。

土窮有頂天。

如經固難遇。

設使鼯鼠等。

緣於兔角梯。

至天能食月。

如經固難遇。

設使驢顏唇。

色如蘋婆果。



復能作歌舞。

如經固難遇。

設使蠅蟲等。

能飲鍾石酒。

迷荒而沈醉。

如經固難遇。

羽節以鳳羽爲節。琅音音琅如玉鳴也。三界通明。由玉帝說經之故。蓋慶會萬古一時也。頌言極形此經之尊重。其詞不可泥。

爾時慈悲度厄真人尋聲救苦真人濟生度死真人萬法護光真人俱從坐起越班而出白天尊言若諸末世凡夫雖宿有善緣得遇是經被諸邪障所隔疑惑不信於去來世得何罪報惟願聖慈說其報應惡趣是時天尊謂四真人曰若茲眾生昧厥天命不信神明慢棄吾言得諸苦惱百爲顛倒運限奇嶽若諸信士洞明天理敬持是經吾卽

陰護吉臨善慶蓋是經者明神之司命物理之化原天地高博其象非遙是玉帝者人天之主萬法之王五行四象有氣有形無始無終惟帝爲宰一二化三三二化一數運古今人無二氣得斯經者當誠心淨奉如見是帝卽有三台七星覆照影形若其素無德行毀性欺心任情縱慾魂靈既垢形體摧殘雖重是經亦難感格。

邪障所隔謂陰邪物慾擾其靈明以是爲非者也。天命無形神明有迹敬神明卽所以敬天命也。奇數之蹇欽遇之危明天理達幽冥之故。一二化三順而出之一本萬殊三二化一逆而返之萬殊一本運有古今人無二氣能敬玉經者必重其身重其身者必敬其心存心養性德行斯立否者毀性欺心任情縱慾名雖爲人神魂汗垢形體亦不能長保此言尊重玉經尤在平時之修養也。



蓋此經者。本混茫古劫。祕奧真文。存諸上清。難為俗曉。今世民風誕怪。不明道根。靡踐形骸。高渺天道。乃至結隱懷。汚醜爾人羣。侮慢靈神。失厥仁茲。

申言此經流傳之故。非理為誕。反常為怪。道者。人之所。以為人。不明道根。則難踐其形。必至視天道為高渺。而肆無忌憚。結隱懷。謂隱微幽獨之地。不堪告人。醜爾無恥之貌。仁茲。仁之在人。如草木之有莠。此節言慢神。恣肆之流也。

又或假託天堂。邪行詭術。煽擾生民。亂吾正法。如茲等族。不識天真。尤乖人道。

天堂地獄。在人心一念之敬肆。乃或假託其說。邪行詭術。俾人廢忠孝而棄人倫。且妄稱某仙某聖之教。豈知天有真道。人有真心。真心者。性也。天人一炁。只此心性純一。倫紀謹修。俯仰無慚。即是天堂中人。邪說誣民。貽

害尤大天尊故特斥之也。

吾故俯俞眾籲。流播是經。大道非渺。玉極甯誣。一靈含粹。萬象羅衷。是經是帝。迺在目前。一念蒙穢。三寶黯然。積重累深。真光何有。玉帝之恩。其堪攀叩。

俞。允。籲。籲。請也。大道原非荒渺。玉帝豈為虛誣。人心秉天地之靈。果含真粹。萬象皆羅。玉經玉帝。即在吾身。蓋道立而天通也。如使一念不修。汙穢其性。則精炁神三寶黯然。無光至積罪太深。失厥真靈。玉帝之恩。雖仰叩而何得。甚言敬天者必戒其心而體道也。

是經誦持功德。必由一心。一心體道。一道合真。真帝之光。不遺斯民。十方天地。鬼神等眾。分佐帝司。帝命所在。震懾靡甯。故此經所在。恆有三千六百靈官。飛天神王等眾。分



遣神司稽核生人敬者慢者疑者信者均有賞刑爾其善化斯民同承玉光勿殞靈宰於是四大真人肅禮而退。

誦虔於口持凜於身及人曰功自有曰德道具於心而現於事物日用倫常真者道之粹得真道則得帝之理而帝光在我震懾驚懼不甯之狀又言玉經之不可稍慢如此要其敬是經者所以敬帝敬帝者所以全其為人焉耳豈強人以媚禮哉靈宰人身虛靈不昧之理所以主宰吾身者。

天尊玉帝妙難言。

道命傳來滿大千。

有氣有形皆托質。

無終無始自成全。

羣靈億劫推真宰。

萬象包羅入輔田。

垣極兩儀同浩蕩。

清輝三祖共週旋。

寶經布處旋樞動。

聖號揚時性命堅。

願滌凡容歸至德。

常嚴相在見諸天。

傳天帝之妙者太上也輔田天地所以生物之處垣極紫微垣北極也三祖三寶之始性本於天命根於地各言之則性者人所以生命者人所以立一而已也滌凡容去身心之懸相在憑式在也。

稱念

大羅天帝無上至妙功德。

元元太上老子三聲

玉皇心印經。

上藥三品。神與氣精。恍恍惚惚。杳杳冥冥。

存無守有。頃刻而成。迴風混合。百日功靈。

默朝上帝。一紀飛昇。知者易悟。昧者難行。



履踐天光。呼吸育清。出元入牝。若亡若存。

繇繇不絕。固蒂深根。人各有精。精合其神。

神合其氣。氣合體真。不得其真。皆是強名。

神能入石。神能飛形。入水不溺。入火不焚。

神依形生。精依氣盈。不凋不殘。松柏青青。

三品一理。妙不可聽。其聚則有。其散則零。

七竅相通。竅竅光明。聖日聖月。照耀金庭。

一得永得。自然身輕。太和充溢。骨散寒瓊。

得丹則靈。不得則傾。丹在身中。非白非青。

誦之萬遍。妙理自明。

藥以延生。神氣精則人之所以生。而可與天不朽者也。故曰上藥。恍恍惚惚。離中之精。杳杳冥冥。坎中之命。存無存。想虛無。守有守。其太極頃刻。言其速。迴風馭氣。歸會混合。三元混一也。百日築基。煉己十二年。可成大道。朝上帝。與大為一。飛昇。神靈步虛。聖而神也。知者。達天人之故。昧者。持疑怠之心。履蹈其事。踐副其實。天光神光也。呼吸者。人之所以通天地。育其清。則非凡濁呼吸矣。元牝。天地之門。道義之根。出入於斯。不違乎中也。亡其身。存其德。繇繇不絕。至誠無息之意。蒂命蒂根。性根。以上六句。狀體道之功。獨為精實。下復推言三品之相須。而神妙如此。聚有散。零一本萬殊之理。七竅皆見光明。凡身更無障礙。日月人身之性命。聖通明之稱。金庭。人天相通之地。道本固有。得則永得。無難事也。身輕。神氣清堅。無塵累也。太和氣同於天。骨節疏散。如寒玉之玲瓏。丹即精炁神煉聚之寶。非白非青。言不可以形色求妙理。至道之理。

回向懺悔文

龍章鳳篆。已殫歌詠之誠。鶴駕鸞輿。重冀鑒觀之惠。某謹



炷真香。重誠奏啟。

道經師寶。元始萬神。玉光會中。一切聖眾。恭望恩光。重垂

證鑒。某向來為某看誦

玉皇本行集經。幾部敬保某事所宣經典。罔敢不虔。其奈業力

障魔。神志錯亂。所秉根鈍。自然想來。脫畧混淆。顛倒重疊

臨文。徇意字誤。句差乖。清濁之正音。泥牽雜之邪見。事奪

其志。心不在經。問對起居。斷絕隔越。久誦懈怠。因事忿瞋

嚴潔。或涉於垢塵。肅敬。或成於瀆慢。身口服用之不淨。衣

冠禮貌之不虔。供弗如儀。處非其地。卷舒揉亂。墜落脫傷

不專不恭。犬慚大愧。伏願慈悲憐憫。赦釋咎愆。庶使誦持

得臻感格。所祈所願。如志如心。尚慮經中。傳授或誤。刊寫  
多訛。其師其人。悉皆懺悔。仗道威力。願臯消除

稽首稱念

太上無極大道元元玉尊。

此謝不恭之罪。以祈神佑也。誦是言。毋有是失。則為誠誦經者。

願滅三障諸煩惱。

願得智慧心明了。

普願罪障悉消除。

世世常行無上道。

三障。身心口之蔽障。不得於心。則煩惱。煩惱則失中和。故必滅之。智慧智而神也。心純乎理。則於事物無不明。了。三四句。推以及人。而願各消其罪障。永保其真明。成己成物。於斯為大。

願以此功德。

普及於一切。




誦經保平安。

消災增福壽。

下卷終

此四句則祝頌經之利益也。此功德指誦持而言一切謂人物之屬。



太上刪訂玉皇寶懺

聖祖仁皇帝廟諱

敬以元字有圈別之

金華子註釋

元元老子在太清无始之初醞釀神光輝揚玉炁品物生成高天厚地化應無疆於時三界神王奉行天化收攝羣氛惡道承導天光生養靈云迺見元始祖炁散布民人無終無始或影或形乍遐乍邇周流三界靡有窮期聖眾咸歡喟然嘆曰巍乎夔哉道之粹乎此諸世界受此靈輝盤羅玉炁一致百為不識不覺其光分散變化未有涯既所賴一元宏施品濟惟是冥明道異幽顯源殊困擾紆塵久



將大惑晦真逐偽其奚補哉於是乃詣無上聖宮諮稟道維以防末俗

太清无始太極清甯無極之時玉炁元炁如玉羣氛惡道謂人物初生百怪蠢肆之類靈云天地靈陽維防維也此節原道化所由起而言天人之理易晦難真聖眾所以特求太上拯濟

太上曰吾自元始定位軫懷斯民爾諸天卿道茂人天備員星佐愍然慮濟思廣要言允惟欣契天極何極玉帝爲極厥躬罔象厥道常凝厥彰厥隱無臭無形名之曰帝帝固何名擬之曰玉玉象其瑩非帝有名名以帝生下界人民不思道本安知帝尊今爲汝眾宣說玉帝懺文庶開愚儔俾花天心天以炁聚炁附天行二五之妙周洽彌綸在

上有象在下有形周天星斗日月縱橫雷霆風雨霜雪露雲昭昭可見渺渺何形天實司化天更無心三光朗照燥濕憑生胎卵氣應羽伏潛精山河草木蠢動蠕分有形有質有性有情惟炁之故受孕分真大哉玉帝乃統生成世界眾生知畏是帝應保玉根保炁之道在乎甯神神與炁合道與天親今爲爾眾宣靈寶養炁懺文

軫懷痛念也大極天之樞宰太上言玉帝爲天至尊實乃一道而已人不知道則不知天何事妄言玉帝夫玉帝云者至瑩至粹無二之名耳以名求帝不如以道承天以炁聚炁附天行盈天地間莫不受玉帝之恩以生即莫不秉一元之炁以行第炁有清濁是以形質性情互異惟玉帝統生成之柄則能敬畏玉帝者乃無愧於天畏帝之道亦非有他保其玉根而已保炁甯神與道爲一即保玉根之實功故學道者以養炁爲最太上



因舉其要。以成懺文如左。

一曰孝炁。大哉父母。迺配乾坤。生我育我。百節含靈。天乙之寶。道字爲尊。以道自守。以道榮親。道在則赴。非道不行。一動一靜。凜畏神明。神在天上。道與人親。一念合道。一念成真。真理真炁。父母爲根。父母與我。本無二神。形肖形否。道則一真。炁真念真。真孝誰京。孝子守義。孝子宏仁。孝遵信禮。孝體敬誠。誠之至極。無臭無聲。我炁卽理。我神親神。其存其沒。皆與天親。大德獲壽。大道通靈。靈壽之炁。五老還形。天帝降鑒。五星列瑩。至哉孝德。不遺影衾。廣其真炁。覆蔭斯民。如茲懺義。玉帝所欽。不孝不弟。動履慚形。三百

六度。骨節汗沈。父母之體。兩大生成。一有不臧。萬炁非真。惡炁濁炁。穢炁屍炁。邪魔鬼炁。生於一念。積累而深。負其父母。辱其元根。天帝所異。幾希何存。如有悔悟。速禮懺文。一心稱念。玉帝寶號。竭誠盡孝。無央罪垢。皆得滌除。

孝爲萬善之源。蓋父母一。天地也。天乙者。道之粹而人。物生化之源。孝子必以道自守。無時無處。不體道。卽無時無處。不孝親。父母與我。無二神。炁神炁之粹。通於天。眞故大德者。事親如事天。亦事天如事親也。靈壽之炁。天帝可通。於事父母何有。推以及民。錫類之孝也。如斯誠孝。事天是懺修之真義。玉帝亦敬其人矣。不然。而一有不謹。負慚其形。卽三百六十骨節。皆含汗垢。一切惡濁邪穢。屍鬼之炁。叢集。辱其身。以及其親。天之所以與我者。何存也。然聖人。不以無過爲賢。以改過爲貴。如能悔悟。禮誦玉經懺文。盡孝盡道。則罪遠福新矣。

至心皈命禮



太上彌羅無上天。妙有元真境。渺渺紫金闕。太微玉清宮。  
無極無上聖。廓落發光明。寂寂浩無宗。元範總十方。湛寂  
真常道。恢漠大神通。

玉皇大天尊。元穹高上帝。

誦玉帝寶誥。則敬天命而體真行者。自無一息之不存。是孝子也。是天地之完人也。

一曰忠。人生兩大厚。戴乾坤。惟天生物。迺立君人。大君  
宰世。體天爲身。天德無量。君德同仁。一飲一啜。大君之恩。  
身體膚髮。非君不存。祖宗父母。非君何親。我有手足。君爲  
訓型。我有身命。君爲全生。食君之祿。荷君之榮。不私厥私。  
不逃厥刑。有死無二。以國爲心。國危已咎。國安匪勳。受天

位職。享天榮名。天不自功。而我何名。奉天教化。體天生成。  
蒼蒼赤子。皆天之靈。畏天敬天。一民亦矜。我飢我渴。汝痛  
汝縈。愛天遺黎。報國厚恩。正烝所積。歌泣鬼神。天帝鍾蔭。  
在於其身。爲天肖子。爲國良臣。何愧何忤。而泰玉尊。不忠  
不敬。虛負靈明。長民虐民。事君欺君。身家肥潤。庶姓災迍。  
弗生哀憫。恃逞威形。天鑒赫赫。罔惕冥冥。如斯之類。乃非  
人心。喪厥宗德。棄厥前靈。功微罪著。中烝摧崩。淪於非族。  
哀哉不仁。玉經玉帝。斯人何人。果能了此。一念還真。秉忠  
貞。烝積萬古。神真烝粹。宇宙咸清。存爲天賴。沒亦天星。  
餘殃宿障。或有未澄。一心悔愼。竭忠宣仁。稱念玉帝寶號。



即得神安炁適百罪消除。

天地尊卑。君臣斯立。天不能自治。乃立君以相民。臣輔君治民。實輔天行化也。萬姓皆天赤子。竊君之祿。藉君之榮。不以天之心為心。是為欺君。賊民。況乃逞威肆虐。蔑德喪心。失其本心。不仁甚矣。人能以忠貞不二之炁。積生靈神。方為天之肖子。其或前非自覺。體天輔國。亦與無過者等。中炁天地正大之炁。天賴天所依賴。天星天之精靈也。

志心皈命禮

太上彌羅無上天。妙有元真境。渺渺紫金闕。太微玉清宮。無極無上聖。廓落發光明。寂寂浩無宗。元範總十方。湛寂真常道。恢漠大神通。玉皇大天尊。元穹高上帝。

誦玉皇真誥。則必思天之所以愛育斯民之心。念念克己。不貳不欺。助國宣仁。是國家之忠臣。即宇宙之元勳也。

凡此二炁。幹應乾坤。周纏物類。生我長我。惟是為真。忠臣孝子。玉帝所珍。孝子愛弟。孝子敬誠。孝子信友。孝子仁民。孝及物類。蠢動通靈。麟趾矜草。鳳羽鳴仁。忠孝一炁。六合為春。天以清霽。景星卿雲。地以之奠。海宴河清。一禽一介。靡弗通誠。爾諸卿佐。夙世行仁。今憫化濟。此義為真。

道無不有。而忠孝二炁。實已盡乎天真。生我長我。君親是也。能忠孝者。必能以天之心為心。以成己者。成人孝子。愛弟以下。推孝德之所及。而忠可知矣。故曰忠孝一炁。六合為春。天地賴忠孝以清甯。而蟲禽靡不通誠。是以為乾坤之真炁也。卿佐指諸天聖眾。太上言諸聖。憫人民而化度。懺悔無過。此義也。



太上說是文竟諸天咸曰微乎美矣是玉經之懺法乃互古之元程臣等獲觀獲聞良增愧幸惟念天帝高明人心塵雜是諸妙義鮮克有行非其本心罔實難均天尊大慈宣茲寶義未審凡天下品何由登踐

元程謂道妙功行之法則天帝高明道歷久而長新人心塵雜雖暫存而易失非特本心盡亡乃受罔清濁不齊之故諸天言太上所言易知難行慮凡夫無由實踐也

太上曰善哉善哉爾慮下界庸愚不明懺法吾察方今道運將闡大化復揚如有不孝不弟不忠不友不仁不義不誠不敬種種諸非但使至心誦禮玉皇寶經一二三卷及斯懺法實心奉行誓於未來一切言行動靜常存是想王

帝真範在於己身惟恐獲戾更於三元八節朔望齋辰虔禮香花然燈供果沐浴心體誦此經懺或三七次或八九次或三二十次自少積多由文釋義除諸罪染勉諸善行吾命十大金剛神王力士潛護其人如受玉帝寶光祥和善無溢於身家世有餘馨永無惡兆

太上示人以改過修身無逾此經也存想玉帝如在己身則一毫之欺欺自無由文釋義除舊自新則非徒讀誦此修德之實而太上之婆心也

天尊乃說偈曰

至道發祥光。羣生資覆載。巍巍玉帝尊。人天咸普愛。經義發元文。民人得尊戴。



誓斷諸惡根。神明金闕在。鑒爾意識真。

佑爾陳殃汰。理罔屬天心。空空無弗賴。

爾諸下界民。歷劫性元外。中有至妙靈。

非心非質碍。惟茲玉皇尊。於人相輔衛。

造化本無心。靈光欽勿壞。拜禮斯懺文。

形影攝光界。

諸天聖眾聞偈歡禮再拜而息。

至道自然之光。生生不窮。故曰祥也。普愛無所不愛。元文。即玉帝經懺之詞。民人賴此經而知帝身之所由來。尊戴玉帝。斷除諸惡。神明之內。常如金闕在焉。則修道之實踐矣。鑒其誠。汰其殃。眞理眞罔與天爲徒。空空不滯。而萬理皆從斯出。太上示人以修德合天之眞如此。下界愚民。不識此身之貴。名雖爲人。乃無事天立命之

實。則在性元外矣。抑知人受天地之中。有至妙至靈之實。不外於心與質。而實非心與質所能碍。惟玉皇尊帝輔衛斯民。雖本無心。然其欲人葆靈光以全性。實無已時。人能禮此懺文。因而修省。則形影攝於玉光之界矣。

朝禮

玉皇宥罪大天尊誓除意慝之罪。

玉皇宥罪大天尊誓除口惡之罪。

玉皇宥罪大天尊誓除身惡之罪。

玉皇宥罪大天尊誓除慢肆之罪。

玉皇宥罪大天尊誓除狂悖之罪。

玉皇宥罪大天尊誓除驕詐之罪。

玉皇宥罪大天尊誓除淫亂之罪。



玉皇宥罪大天尊誓除穢汙之罪。  
玉皇宥罪大天尊誓除殺害之罪。  
玉皇宥罪大天尊誓除邪僻之罪。  
玉皇宥罪大天尊誓除貪婪之罪。  
玉皇宥罪大天尊誓除鄙吝之罪。  
玉皇宥罪大天尊誓除巧僞之罪。  
玉皇宥罪大天尊誓除殘忍之罪。  
玉皇宥罪大天尊誓除訕訐之罪。  
玉皇宥罪大天尊誓除讒阿之罪。  
玉皇宥罪大天尊誓除誘惡之罪。

玉皇宥罪大天尊誓除離閒之罪。  
玉皇宥罪大天尊誓除奢侈之罪。  
玉皇宥罪大天尊誓除虐下之罪。  
玉皇宥罪大天尊誓除凌上之罪。  
玉皇宥罪大天尊誓除慢棄五倫之罪。  
玉皇宥罪大天尊誓除縱任七情之罪。  
玉皇宥罪大天尊誓除舞文亂法之罪。  
玉皇宥罪大天尊誓除設引邪書之罪。  
玉皇宥罪大天尊誓除競鬪淫妄之罪。  
玉皇宥罪大天尊誓除狠戾剛強之罪。



玉皇宥罪大天尊誓除朋黨狎昵之罪。  
玉皇宥罪大天尊誓除侮聖毀像之罪。  
玉皇宥罪大天尊誓除壞塚焚屍之罪。  
玉皇宥罪大天尊誓除決脉斷炁之罪。  
玉皇宥罪大天尊誓除開山鑿沼之罪。  
玉皇宥罪大天尊誓除假神惑眾之罪。  
玉皇宥罪大天尊誓除邪巫外道之罪。  
玉皇宥罪大天尊誓除曲筆鬪唆之罪。  
玉皇宥罪大天尊誓除侵奪無厭之罪。  
玉皇宥罪大天尊誓除不信三寶之罪。

玉皇宥罪大天尊誓除不畏天神之罪。  
玉皇宥罪大天尊誓除前寃後孽之罪。  
玉皇宥罪大天尊誓除歷代先亡之罪。  
玉皇宥罪大天尊誓除自幼至長之罪。  
玉皇宥罪大天尊誓除失檢故爲之罪。  
玉皇宥罪大天尊誓除一切身心之罪。

某聞至尊惟天。受五行之生炁。無往非道。賴兩大之靈光。  
幸列人羣。皆原玉化。苟知心懺。諒可迴生。今某白無始劫  
來。罔知身貴。任厥情偏。積小至大。以是爲非。罪等邱山。性  
成木石。幸遇道德之慈。開導維新之路。謹瀝丹誠。上干天



三皇傳  
聽本有罪之不知。今傾懷而湔雪。如上諸孽。事由自作。咎豈人爲。但悔恨之已遲。懇恩光之曲赦。倘容再造。誓斷諸邪。忠孝恪遵。仁敬無失。此日之丹梯可仰。餘生之末路猶榮。爲此虔具疏文一函。敬謹百拜上干。不勝瞻天仰聖。悚息屏營之至。

### 志心皈念

太上無極老子。三聲。

以上臚列諸罪。歸念玉皇天帝。蓋人情敬則循理。肆則習非。至尊者天。舉首卽見。一切影形幽獨。何在可以逃天鑒乎。懺者悔舊遷善之詞。果能念念返己。一無所犯。則德純天定。不愧乾坤矣。誦者毋徒媚禱求福。

讚曰

元元太上發慈悲。指示人天大道機。玉帝巍巍尊莫並。靈神化度妙難思。此心理炁知長在。度世經綸切自維。修養眞傳畱正法。人倫性命是元基。

天人本無二理。太上發玉帝之義。不過欲人內正其性命。外敦其人倫。世土競言修養。未知修養眞義。修者修隱。養者養性。性與天通。俯仰不忤。卽是希仙學聖正法。吾畱此讚。以明讀玉經之法也。

### 焚香禮謝

玉皇宮闕無央聖眾。垂光妙德太天尊。

頌

天心仁覆玉極陶鈞。陰陽一炁至靈神。元元五祖馭乾坤。應感發明文。无上寶懺醒導眾迷塵。






三皇傳


惟天仁覆斯民。陶鈞物類。幹馭陰陽。一本元炁至靈之用。而五老上帝。分帝之光。莫正乾坤。有感必應。此經此懺。所以流傳下土。醒導眾生之迷也。

拜禮



大羅仙闕金華次帝闕下。




玉經寶懺終











452.

